

35-52


卷五
廿六

宋書家

佩文齋書畫譜

C. T. LOO & CO.
41 EAST 57th STREET
NEW YORK, N. Y.

NO. 513
HGT. _____
LENG. _____



No.	Name	Age	Sex	Profession	Religion	Marital Status	Education	Income	Remarks
1	John Doe	35	M	Teacher	Methodist	Married	High School	\$1200	
2	Jane Smith	28	F	Homemaker	Catholic	Married	High School	\$1000	
3	Robert Brown	42	M	Engineer	Protestant	Married	College	\$1500	
4	Emily White	22	F	Student	Baptist	Single	College	\$800	
5	Michael Green	38	M	Businessman	Methodist	Married	College	\$1800	
6	Sarah Black	30	F	Nurse	Catholic	Married	College	\$1400	
7	David Lee	45	M	Farmer	Protestant	Married	High School	\$900	
8	Anna King	25	F	Teacher	Baptist	Single	College	\$1100	
9	James Hall	50	M	Retired	Methodist	Married	High School	\$700	
10	Elizabeth Young	33	F	Homemaker	Catholic	Married	High School	\$1000	

NIK
3634
.A2
Q243
1920
v.12

佩文齋書畫譜目錄

第三十五卷

書家傳十四

宋^四

虞允文

劉珙

周利建

周必大

周必正

胡銓

呂祖謙

洪适

陳康伯

王淮

范成大

汪應辰

汪遠

王庭珪

王十朋

黃中

王信

吳益

吳蓋

吳琚

樓弁

林琰

陳登

鄧增

劉致思

吳公路

王珉

富元衡

程迥

戴敏

虞似良

石起宗

木待問

甘叔異

湯頤年

李處全

姚平仲

張臬

祝禹圭

邵補之

沈樞

宋喚

湯思退

楊芾

楊萬里

謝諤

朱熹

劉清之

尤袤

蔡發

方士繇

李積微

楊方

鄒德久

呂勝已

黃銖

朱頡

朱協極

陸元長

陸游

芮國器

唐璘

蘇玘

蔡迨

周模

王禔象

婁機

陸九齡

蔡幼學

樓鑰

顏直之

顏汝勛

葉適

范之柔

上官必克

許弈

樓少虛

薛師石

陳孔碩

陳宓

卓景福

余伯咎

夏執中

張汝永

曾槃

林師黠

羅士友

王補之

張孝忠

秦鑄

危和

朱拱臣

趙與衮

韓補

樓淮

魏了翁

魏克愚

李從周

李心傳

鄭清之

真德秀

余煥

杜杲

史彌遠

楊簡

薛季宣

陳傅良

林希逸

林泳

姜夔

張即之

陳謙

楊鎮

單煒

徐璣

曾三異

蔡抗

劉克莊

王埜

潘繼先

蕭崱

蘇基先

陳公著

韓境

曹松泉

傅穉

丁魏

林宗道

鄭東起

張湜

趙希棐

廖瑩中

何基

何欽

馬光祖

鄭僑

鄭寅

文天祥

陳恕可

葉間

潘桂

余聖錫

趙稟

陳瑛

謝枋得

姚勉

金應

周密

李箕房

趙孟堅

趙孟頫

龔開

陳深

趙昌甫

李翔

陳振

黃仁儉

陳仲輔

謝履

黃孝綽

杜去輕

黃穎

李銓

鄭緝

葛剛正

牟益

曹士冕

杜良臣

鄭昂

戴侗

魏宋直

周頌

冀上之

姚現

趙必暉

單夔

司馬括

胡程

朱昌齡

張駒

葉鼎

袁炯

張鎰

祝次仲

姚敦

鄭元秀

邢疏

宋棻

杜茂修

高彥

陳希愈

曹之格

劉震孫

張鎡

潛說友

王原父

熊與蘇

張東

龔穎

李慎由

郝德新

潘容

楊小瑛

李侂

張滌

龐仁顯

張安祖

第三十六卷

書家傳十五

宋_五

蘇殿丞

張郎中

陳隱居

梅山拙逸

夏御帶

方校書

卿師

如愚居士

謝童子

松軒

俞處士

翦字吳道人

李舜舉

楊日言

梁師成

王介

趙元昊

洪瓘

李仁老

金恂

金方慶

郭預

金昫

李穎

李岳

成石璘

史彥暉

陳搏

武仙童

白玉蟾

陳明

石五仙

徐清

張繼先

張有

陳景元

黃石老

張復陽

司馬鍊師

王易

釋夢英

釋崇化

釋雲勝

釋省欽

釋正蒙

釋嗣端

釋靜已

釋善雋

諤師

釋志賢

釋懷賢

釋惟悟

釋緣槃

釋意祖

釋思聰

釋希白

釋希賜

釋若達

釋道潛

釋穎德秀

釋慈賢

釋淨曇

釋仲殊

釋顥彬茂

釋夢貞

釋惠崇

釋苑基

釋言法華

敷道人

政禪師

釋昭默

釋瑛公

南禪師

釋克文

道人栖公

釋敏傳

宗上人

圓上人

釋法暉

釋靜萬

釋仁欽

釋和公

釋法具

釋處嚴

釋處良

釋行霆

釋德止

釋省肇

釋思齊

釋從密

釋仁濟

釋懷則

釋惠曇

釋溫日觀

釋淨師

釋省言

釋宗相

釋了性

總持院老僧

釋彥修

釋宗議

釋法舟

峨眉道者

山陰僧

釋寂照

日本僧喬然

朱巖妻

安國夫人崔氏

夏竦妻楊氏

天水郡太君權氏

郭氏

和國夫人王氏

史琰

唐氏

章煎

丁氏

胡氏

徐氏

趙夫人

張氏

游氏

謝夫人

楊氏

方氏

吳氏三一娘

朝雲

翠翹

田田

錢錢

厨娘

意真

王英英

楚珍

馬眇

陳湘

趙總憐

蘇氏

巖蕊

墨娥

遼

耶律魯不古

耶律庶成

突呂不

鄭熙

釋德麟

釋真延

釋肅回

金

宇文虛中

王競

蔡松年

蔡珪

蔡璋

吳激

高士談

張斛

鄭晦

任詢

党懷英

趙胤

趙秉文

王庭筠

王曼慶

王明白

張天錫

司馬朴

施宜生

蕭永祺

劉汲

移刺履

左光慶

王渥

張毅

史公奕

楊邦基

龐鑄

麻九疇

趙觀

趙滋

李澥

王中立

王仲元

趙可

趙述

李著

馮壁

高憲

劉住兒

史肅

冀禹錫

徒單鎰

完顏璫

完顏守禧

李經

王子可

郝天祐

高德裔

杜師楊

張本

宋適

張瑞童

許復

蕭守中

郝史

賈漑

龍巖

譚處端

釋善進

釋德普

釋玄悟

釋義中

竹
文
書
譜
卷
之
一
第
一
章

佩文齋書畫譜卷第三十五

書家傳十四

宋四

虞允文

虞允文字彬甫隆州仁壽人六歲能九經七歲能屬文紹興二十三年登進士第高宗召對除祕書丞乾道五年拜右僕射同中書門下平章事兼樞密使封雍國公謚忠肅 宋史本傳

虞忠肅手帖詞語詳雅氣象雍容 鮑翁家藏集

停雲館帖第六卷為南宋名人書如虞雍公之儼雅皆有可采 兪州山人稿

劉珙

劉珙字共父崇安人子羽長子生有奇質從季父子翬學登進士乙科授禮部郎官遷中書舍人參知政事進資政殿大學士淳熙二年移知建康府江東安撫使行宮留守謚忠肅 宋史本傳

劉共父學顏書鹿脯帖 朱子文集

周利建

周利建 必大 大學博士 宋史周必大傳 陸游周必大墓志 銘云利建進士擢第贈太師秦國公

周必大云先君秦國公平生喜學蔡忠惠公書家藏京師舊石刻兩卷真行草畢

備妙絕一世詛楚文待制董公守汾日辨證刻石先君實為書丹 平園集

周必大

周必大字子充一字洪道其先鄭州管城人祖詵宣和中倅廬陵因家焉紹興二十年第進士授徽州戶曹中博學宏詞科除太學錄名試館職守秘書省正字兼國史院編修官淳熙十四年拜右丞相明年拜左丞相少保益國公贈太師謚文忠自號平園老叟 宋史本傳

益公親書艾軒神道碑真蹟藏外孫方之泰巖仲家 劉克莊後村集

道林寺堂之顏吾鄉益國周公書之 文天祥文山集

周必正

周必正字子中 必大兄 蔭補迪功郎監潭州南嶽廟貢至禮部調袁州司戶叅軍孝宗名對便殿改知建昌軍南豐縣秩滿除主管官告院進軍器監丞知舒州善屬文尤長於詩書有古法四方豐碑巨扁多出其筆 渭南集

周必大曰季兄子中筆法絕高 平園集

胡銓

胡銓字邦衡廬陵人建炎二年高宗策士淮海銓策萬餘言高宗見而異之將冠之多士有忌其直者移寘第五乾道初為工部侍郎七年以資政殿學士致仕謚

忠簡 宋史本傳

文天祥道山堂瞻御書詩云著庭更有邦人筆稽首承休學二忠自注云著作之庭乃胡忠簡公書周文忠公立

文山集

胡侍郎大書著作之庭其形摹濫觴發於小篆豈八分未出已有此書

林光朝文軒集

呂祖謙

呂祖謙字伯恭居婺州中進士後中博學宏詞科除太學博士國史院編修官先是書肆有書曰聖宋文海孝宗命祖謙類為百五十卷上之賜名皇朝文鑑除著作郎謚曰成

宋史本傳

呂伯恭能書大字

朱子文集

洪适

洪适字景伯鄱陽人紹興十三年中博學宏詞科乾道元年拜尚書右僕射同中書門下平章事謚文惠

宋史本傳

洪适取古今石刻法其字為之韻辨其文為之釋以辨隸書曰隸釋隸續

中興藝文志

鷗山寺有雄跨堂頗雄偉洪景伯書

周必大乾道庚寅奏事錄

陳康伯

陳康伯字長卿信之弋陽人宣和三年中上舍兩科孝宗時封信國公拜尚書左僕射同中書平章事謚文正

宋史本傳

康伯工筆札其蹟雜見鳳墅續法帖中 書史會要

王淮

王淮字季海婺州金華人幼穎悟力學屬文登紹興十五年進士第淳熙中拜右

丞相兼樞密事謚文定 宋史本傳

宋名賢遺墨帖有王淮劄子 弇州山人稿

范成大

范成大字致能吳郡人紹興二十四年擢進士第孝宗時拜叅知政事進資政殿

學士領洞霄宮加大學士素有文名尤工於詩自號石湖 宋史本傳

石湖以能書稱宗黃庭堅米芾道勁可觀 書史會要

汪應辰

汪應辰字聖錫信州玉山人紹興五年進士第一人授鎮東軍僉判召為秘書省

正字上疏謂和議不諧非所患秦檜大不悅出通判建州檜死召為吏部郎官遷

權吏部尚書以端明殿學士知平江府 宋史本傳

周必大曰玉山汪公名重天下人得尺牘榮之與余通問皆季路代作當時翰墨

已難得 平園集

汪逵

汪逵 樓鑰攻媿集 應辰子登進士第仕至吏部尚書端明殿學士 宋史汪應辰傳

汪季路建集古堂藏奇書祕蹟金石遺文二千卷著淳化閣帖辨記十卷

詩桃軒雜錄

王庭珪

王庭珪安福人政和間進士調茶陵丞忤部使者遂拂衣歸孝宗初除國子主簿

乾道間召對內殿賜坐勞問除直敷文閣所著有瀘溪集

鐵網珊瑚

王瀘溪先生手書十簡雖紙敝墨渝而此老正氣勃勃可挹

寓意編

王十朋

王十朋字龜齡温州樂清人資穎悟日誦數千言及長有文行聚徒梅溪受業者

以百數上親政策士擢為第一累官龍圖閣直學士

宋史本傳

宋名公遺墨有王十朋帖

兪州山人稿

黃中

黃中字通老紹武人紹興五年擢進士第二人乾道中為敷文閣待制謚簡肅

宋史

本傳

崔清獻公嘗刪改處士劉臯語命其客吳中隸書為座右銘

崔清獻公言行錄

宋白雲崇福觀記黃中書

古今碑帖考

王信

王信字誠之處州麗水人登紹興三十年進士第孝宗時假禮部尚書使於金信

得米芾書法金人寶之後加煥章閣待制

宋史本傳

吳益 吳蓋

吳益字叔謙蓋字叔平俱憲聖皇后弟帝與后皆喜翰墨故益蓋兄弟師法亦有書名益歷官至敷文閣待制進太師謚莊簡追封衛王蓋官至武寧軍節度使贈太傅追封鄭王 宋史本傳

吳琚

吳琚字居父號雲壑益子位少師判建康府兼留守 宋史本傳

琚留守建康近城與東樓平樓下設維摩榻酷愛古梅日臨鍾王帖 江寧府志

琚字畫類米芾以詞翰被遇孝宗大字極工 書史會要

吳琚書似米元章而峻峭過之今京口北固天下第一江山六大字額乃琚書也

董其昌卷畫集

樓弁

樓弁字元應鄞人讀書敏而勤無不該貫小學尤精鄙流俗簡陋手以古字寫春秋左氏傳禮記莊子以課其子 攻媿集

林琰

林琰字稚圭乾道中舉進士善篆書 皇甫汙長洲志

陳登

陳登字元龍晉江人有文名字畫尤精與王十朋相友善 于光大泉州志

鄧增

鄧增字如川建昌人以父恩得官將仕郎工製小詩作大字

洪邁夷堅志支集

劉致思

劉致思留心字學運筆流快風行草偃足以軒輊流輩

屏山集

吳公路

吳公路作功德院記成入山書丹劉子翬贈詩云忽驚落筆散彤雲

屏山集

王珉

王珉字中玉玉山人登進士第後為侍從善楷書作夢山堂一時名流如呂東萊

皆有題詠

華黼廣信郡志

富元衡

富元衡字公權擢進士第隆興中除工部郎中效蘇軾書能逼真尤善柳葉篆

始

蘇志

程迥

程迥字可久應天府寧陵人家於沙隨徙紹興之餘姚登隆興元年進士第歷揚

州泰興尉知信州上饒縣奉祠寓居鄱陽

宋史本傳

朱熹曰沙隨程丈饒娥一紙蓋有意於黃絹之碑者亦可愛也

朱子文集

戴敏

戴敏字敏才號東臯子戴復古父復古有求先人墨蹟詩云我翁有遺蹟數紙古田樣髣髴鍾王體吟句更豪放石屏集

虞似良

虞似良字仲房號橫溪自號寶蓮山人書史會要云吳郡餘杭人官至監左藏東庫台州志云建炎初以父授官於台寓台之橫溪

淳熙中為兵部郎官終成都府路運判官善篆隸家藏漢刻數千本心慕手追盡得旨趣大至數尺小至蠅

頭各臻其妙兼能古文奇字謝翱全華游錄

似良詩詞清婉得唐人旨趣尤工隸書無一食頃去筆札至寤寐猶運指作勢余

裊當指處皆裂有篆隸韻書行於世台州志

虞兵部仲房書杜工部李潮八分小篆王宰山水圖兩篇隸法壞自公始然亦自

成一家搏擲鸞騰鯨鵬撮摩天矯容與煙雲卷舒數十年間豐功厚德之所載識

借公為重不專在翰墨也不知公者獨以隸古稱豈知公哉釋居翰北磻文集

陰符經碑小桃源碑物外碑洗耳碑並虞似良書倪守約全華赤松山志

石起宗

石起宗字似之温陵人鄭僑榜進士及第治詩賦淳熙二年除校書郎五年添差

漳州通判祕書省汗青軒碑石起宗書中興館閣錄

木待問

木待問字蘊之永嘉人進士及第淳熙五年為著作郎六年為起居舍人祕書省

蓬巒碑木待問書

中興館閣錄

甘叔異

甘叔異字同叔豐城人力學精思工於詩咏淳熙進士參桂州民曹攝荔浦縣

昌府志

叔異行書學米芾草書學黃庭堅

書史會要

湯頤年

湯頤年字養正丹陽人好讀書尤熟班氏史字畫效歐陽率更體豪髮不用己意

淳熙己酉以詞賦貢名禮部

劉宰漫塘集

李處全

李處全字粹伯徐州豐縣人遷居溧陽文章宏肆詩體兼眾長字畫道麗登第由

宗正寺簿遷太常丞後知舒州

符行溧陽志

茅山凝神菴記淳熙十年朝散大夫新權發遣處州軍州事贊皇李處全記并書

茅山志

姚平仲

姚平仲字希晏世為西陞大將年十八與夏人戰滅底河斬獲甚眾欽宗召對福

寧殿許以殊賞平仲請斫營擒帥以獻功不成遂乘青驢亡命奔蜀至青城山復

入大面山得石穴以居朝廷數下詔物色求之弗得乾道淳熙之間始出至文人

觀道院年八十餘紫髯鬱然長數尺面奕奕有光為人作草書頗奇偉

渭南集

張貞

張貞孝宗時人晁公武古文尚書序云余抵少城得古文全編於學宮乃延士張貞做呂

氏所鏤本書丹刻諸石末云乾道庚寅

郡齋讀書志

祝禹圭

祝禹圭孝宗時人湘山法堂記乾道辛卯州學教授信安祝禹圭書

蔣擢湘山事狀

邵補之

邵補之孝宗時人休寧縣明倫堂記宋淳熙甲寅邵補之記并書

玄牘記

沈樞

沈樞孝宗時人修河漚記直學士程文昌撰待制沈樞書

吳興掌故集

宋喚

宋喚字景晉官待制手書金剛經端謹有法度始末一體如摹印

平園集

湯思退

湯思退字進之處州人紹興十五年試博學宏詞科除秘書省正字二十五年由

禮部侍郎除端明殿學士拜尚書右僕射以觀文殿學士奉祠隆興元年復相

宋

史本傳

宋賢遺墨有湯僕射進之書

傘州山人稿

楊芾

楊芾字文卿吉水人廷秀父詩句典實可以觀學問之富字畫清壯可以知氣節之高

平園集

楊萬里

楊萬里字廷秀吉州吉水人中紹興二十四年進士第為永州零陵丞時張浚謫永萬里三往見之服其教終身名讀書之室曰誠齋開禧中遷寶謨閣學士光宗為書誠齋二字學者稱誠齋先生謚文節

宋史本傳

萬里跋米南宮帖云萬里學書雖徧叅十方然袖手一瓣香五十年未曾拈出今得此帖乃知李密未見秦王耳

誠齋集

謝諤

謝諤字昌國臨江軍新喻人紹興二十七年中進士第光宗登極除御史中丞權工部尚書提舉太平興國宮諤為文倣歐陽修曾鞏初居縣南之竹坡名其燕坐曰艮齋人稱艮齋先生

宋史本傳

艮齋書法似蘇軾而少變其體自成一家

書史會要

海鹽新修學記紹熙三年謝諤記并書

至元嘉禾志

朱熹

朱熹字元晦一字仲晦徽州婺源人中紹興十八年進士第光宗時除煥章閣

待制謚曰文贈太師封徽國公 宋史本傳

晦翁書筆勢迅疾曾無意於求工也而尋其點畫波磔無一不合書家矩矱 震澤

嘗見朱子竿牘數張蓋法魯公爭坐書即行邊添注亦復宛然意致蒼鬱沉深

古雅有骨有筋有韻而不以書名固以學掩之 詹氏小辨

朱晦翁書自榜額之外不多見端州友石臺記近鍾太傅法亦復有分隸意 容

臺集

朱熹書讀書二大字在長樂方安里三寶巖容膝二字天光雲影四字在雲谷

光風霽月四字在南康白鹿洞脫去凡近四大大字在瑞州府學上帝臨汝無貳

爾心八大大字在撫州府學 古今碑帖考

劉清之

劉清之字子澄臨江人登紹興二十七年進士第調袁州宜春縣主簿孝宗名

入對改太常寺主簿光宗即位起知袁州初清之既舉進士欲應博學宏詞科

及見朱熹盡取所習焚之慨然志於義理之學 宋史本傳

朱熹答呂伯恭書云濂溪祠記屬子澄書而刻之 朱子文集

尤袤

尤袤字延之常州無錫人紹興十八年擢進士第紹熙中煥章閣待制嘗取孫

綽遂初賦以自號光宗書扁賜之謚文簡

宋史本傳

尤延之論古人筆法來處如周太史奠世系真使人無間言

朱子文集

蔡發

蔡發字神與

宋史云蔡元定父流牧堂老人

家建陽麻沙幼警悟七歲能為詩中年買田築室於武夷

之陽字畫壯偉意氣閑暇

朱子文集

方士繇

方士繇字伯暮一名伯休莆陽人朱公元晦倡道學於建安往從之以傳道為後

學師工於書自篆籀分隸行草諸體皆極其妙

渭南集

朱熹答蔡季通書云篆隸碑子字畫皆不滿人意未有可寫之人令伯暮篆如何

朱子續集

李積微

李積微篆字墨本近偶得之

朱子文集

楊方

楊方字子直朱子答子直書云煩為作小楷四歲百十字當字學絕欲得妙札時

以寓目

朱子文集

鄒德久

鄒德久忠公浩子筆法追蹤山谷

石門文字禪

書家傳十四

鄒德久楷書大學今人寫得如此亦是難事 朱子文集

呂勝已

呂勝已字季克邵武人與張栻朱熹講學工隸書得漢法仕為湖南幹官歷倅江

州知杭州自號渭川居士 八閩通志

黃銖

黃銖字子厚崇安人少師事劉子翬與朱熹為同門友為文略相上下隸法甚古

得魏晉以前筆意 八閩通志

朱頡

朱頡 與朱熹同時 敬齋箴朱熹撰朱頡書在蘇州府學屏風上 古今碑帖考

朱協極

朱協極 與朱熹同時 宋敬齋箴朱熹撰朱協極隸 天下金石志

陸元長

陸元長 陸游伯父 病右臂以左手握筆而字法勁健過人 老學菴筆記

陸游

陸游字務觀越州山陰人年十二能詩文蔭補登仕郎鎖廳薦送第一孝宗時范

成大帥蜀游為參議官以文字交不拘禮法人譏其類放因自號放翁嘉泰三年

升寶章閣待制 宋史本傳

陸游暇日弄筆戲書詩云草書學張顛行書學楊風

劔南集

務觀筆札精妙意致高遠

朱子文集

芮國器

芮國器字仲蒙陸游詩云落筆龍蛇仲蒙帖

劔南集

唐璘

唐璘字伯玉古田人嘉定十年舉進士為監察御史擢太常少卿

宋史本傳

伯玉工筆札其蹟雜見鳳墅續法帖中

書史會要

蘇玘

蘇玘字訓直泉州同安人以恩補將仕郎調嚴州遂安尉擢為尚書吏部郎屬文

有體制筆法簡遠其尺牘尤時所珍愛往往藏去

渭南集

蔡迨

蔡迨字肩吾官健為郡文詞字畫皆過人從銓部得桂陽令

渭南集

周模

周模字伯範鄞人篤志於學從濟南劉壽夫游又學書於曜陽徐濟父有楷法

政

姻集

王提索

王提索濟南人問學精深兼通醫卜工真行草篆不樂進取屏居青崖山之兩河

婁機

婁機字彥發嘉興人乾道二年進士為太常博士祕書郎皇太子始就外傳以機兼資善堂小學教授以累朝事親修身治國愛民四事手書以獻太子寘之座右朝夕觀省太子得機所著廣干祿字一編尤喜命戴溪跋之擢監察御史遷禮部尚書同知樞密院事參知政事嘉定二年以資政殿學士知福州機深於書學尺牘人多藏弄云

宋史本傳

漢隸字源樵李婁君彥發所輯也合蔡中郎諸人筆力通神之妙皆聚此編

洪邁

漢隸字源序

陸九齡

陸九齡字子壽居撫州之金溪登乾道五年進士第調全州教授寶慶二年特贈朝奉郎直祕閣賜謚文達與弟九淵相為師友學者號二陸

宋史本傳

徐一夔始勸其學

蔡幼學

蔡幼學字行之温州瑞安人年十八試禮部第一嘉定中權兵部尚書兼太子詹事早以文鳴於時中年述作益窮根本器質凝重莫窺其學

宋史本傳

蔡行之擅豪翰其蹟雜見羣玉堂法帖中書史會要

樓鑰

樓鑰字大防明州鄞縣人隆興元年試南宮考官胡銓稱之曰此翰林才也寧宗時參知政事進資政殿大學士提舉萬壽觀贈太師謚宣獻鑰文辭精博自號攻

媿主人宋史本傳

鑰善大字高宗時太學成奉敕書扁書史會要

顏直之

顏直之字方叔長洲人工小篆得秦詛楚文筆意嘗為參政樓鑰書攻媿齋榜鑰賦詩美之著集古篆韻二十卷直之氣貌豐碩善攝生以弓矢應格差監省倉勾

祠主管仙都觀陶宗儀云官至中散大夫號樂閒居士張昇吳中人物志

顏汝勛

顏汝勛直之子陶宗儀云字元老官朝請大夫亦工篆皇甫長洲志

葉適

葉適字正則温州永嘉人為文藻思英發擢淳熙五年進士第二人寧宗時權工部侍郎奉祠者十三年至寶文閣學士通議大夫贈光祿大夫謚忠定宋史本傳

葉正則書法蔡君謨而自有風骨郁逢慶書畫題跋記

范之柔

范之柔字叔剛仲淹五世孫第進士嘉定初拜監察御史歷官至禮部尚書致仕
贈端明殿學士謚清憲姑蘇志

富陽縣主簿廳石鏡題名舊記嘉泰癸亥鄮峰汪之剛撰姑蘇范之柔書慶瑜杭州府

志碑碣目

上官必克

上官必克字復之一字師善幼警敏八九歲已善楷書逾冠領鄉薦慶元五年授

迪功郎監成都府稅務調全州錄事參軍陳讓節武府志

許弈

許弈字成子簡州人慶元五年寧宗親擢進士第一授簽書劔南東川節度判官

名為祕書省正字累遷吏部侍郎龍圖閣待制以顯謨閣直學士致仕贈通議大

夫通籀隸書宋史本傳

弈詞章雅健字體端勁兼通籀篆書鶴山集

樓少虛

樓少虛官教授少好二王書筆力素高後得樂毅論古刻深愛之一筆不妄下故

楷法精妙字字可敬攻媿集

薛師石

薛師石字景石號瓜廬小楷初授法於單炳文日經月緯已忽超詣落筆期於鍾

王之次籀篆斯隸深造其極四方士友求於門景石不靳惜畀之大者徑三數尺許銘祖父有不得景石書為恨有瓜廬集若干卷

王綽薛瓜廬墓誌銘

陳孔碩

陳孔碩陳韓父後村集云字崇清號北山福州侯官人為朱熹呂祖謙門人宋史陳韓傳宋鑑云累官尚書郎

北山先生陳公詞章翰墨為近世第一筆勢道美嘗作贛州三橋詩自書而篆之

西山集

劉克莊曰余少欲為書堂復齋陳公為書金鳳池三字北山陳公為書後邨精舍

四字楷篆極妙後村集

陳宓

陳宓字師復後村集云號復齋丞相俊卿之子少嘗及登朱熹之門長從黃榦游以父任歷

泉州南安鹽稅知安溪縣嘉定七年入監進奏院出知南康軍寶應二年直祕閣

主管宗禧觀贈直龍圖閣宋史本傳

陳師復字森嚴清勁見者如端人正士在前凜然起敬西山集

自蔡公仙去里中書學遂絕近歲二陳出焉崇清宜大字愈大愈奇復齋字可至

二三尺而小楷行草端勁秀麗在崇清上寸紙流落人爭寶藏至今後生輩結字

運筆十人中九作復齋體後村集

卓景福

卓景福與陳復齋為中表親授筆法亦以能書名臨淳化集帖老氣森嚴殆欲埽去歐虞褚薛而自為一家

後村集

余伯咎

余伯咎善小篆北山陳公曰伯咎筆法極高

後村集

夏執中

夏執中孝宗夏皇后弟補承信郎累遷奉國軍節度使寧宗即位加少保執中既貴始從師學作大字頗工高宗行慶壽禮近戚爭獻珍環執中獨大書一人有慶萬壽無疆以獻高宗喜賜賚甚渥

宋史夏皇后傳

張汝永

張汝永字瑞表世居金壇之上為文雅贍作字倣古法而行書尤勝嘉定甲戌廷對中選授含山主簿調溧陽縣丞

劉宰漫塘集

曾槃

曾槃號樂道雅望甚偉善筆札

王柏魯齋集

林師點

林師點字詠道臨海人自號竹村居士性嗜書傳近購遠求藏數千卷至遇古帖祕文斷刻墜簡積之亦千餘卷篆隸尤留心以張謙中虞仲房為法

林逢吉赤城集

羅士友

羅士友字熹善一字晉卿自號融齋生而穎發嗜書忘寢食學書入楷得蔡氏風度

文山集

王補之

王補之寧宗時人惠寂院觀音記慶元丁巳朝奉大夫知嘉興軍事澶困王補之書

興志補

別傳嘉

張孝忠

張孝忠寧宗時人湘山甲亭記慶元丙辰歷陽張孝忠王臣書

辨擢湘山事狀

秦鑄危和

秦鑄危和並寧宗時人方山定林寺碑迺宋嘉定庚辰免解進士建康府校正書籍朱舜

庸撰迪功郎新平江府錄事參軍秦鑄書從正郎辟差充江南東路安撫司準備

遣危和篆額周暉言金陵瑣事

朱拱臣

朱拱臣寧宗時人嘉定皇后受錄記嘉定三年承議郎知建康府句容縣事兼管內勸農

營田公事臣朱拱臣建并書茅山志

趙與袞

趙與袞寧宗時人崇德刻漏圖記嘉定八年嘉興府司戶參軍權縣事趙與袞書

至元嘉禾

志

韓補

韓補寧宗時人湘山鐘樓記嘉定辛巳太府少卿林岳記慶元府府學教授韓補書蔣擢湘

山事狀

樓淮

樓淮寧宗時人海頭謠碑嘉定中四明樓淮書鄒衡嘉興志補

魏了翁

魏了翁字華父邛州蒲江人慶元五年登進士第嘉熙中資政殿大學士謚文靖

贈秦國公宋史本傳

方岳圖書扁所詩云獨慙鶴山翁健筆照衡宇秋崖集

鶴山先生善篆不規規然繩尺中而有自然之勢嘗以篆法寓諸隸最為近古書

史會要

宋人能篆者頗多於唐蜀魏文靖公至今為人所稱全蜀藝文志

魏克愚

魏克愚字明已號靜齋了翁子亦工篆書史會要

李從周

李從周字肩吾書史會要作李肩吾字子我號蟻州彭山人博見彊志書名之學世亦鮮及之渠陽山中為

余從子令憲書鄉黨篇余獲與觀焉鶴山集

李肩吾魏文靖公門人能書取隸楷之合於六書者作字通行於世

書史會要

李心傳

李心傳字微之宗正寺簿舜臣之子也慶元元年薦于鄉晚下第絕意不復應舉晚因崔與之許奕魏了翁等合前後二十三人之薦為史館校勘賜進士出身端

平三年為工部侍郎

宋史本傳

南渡諸公如魏鶴山李心傳書往往相似蘇黃筆法至是又一變云

震澤集

鄭清之

鄭清之字德源慶元之鄞人初名燮字文叔嘉泰十年登進士第嘉熙七年拜太

傅右丞相兼樞密使進封齊國公追封魏郡王諡忠定

宋史本傳

清之工筆札其蹟雜見鳳墅續法帖中

書史會要

真德秀

真德秀字景元後更為景希建之浦城人登慶元五年進士第授南劍州判官繼

試中博學宏詞科為太學正紹定中拜參知政事進資政殿學士提舉萬壽觀謚

文忠

宋史本傳

真西山先生書似草草作諦觀之有非草草者雖不全用晉人筆法而亦有出於

法之外胸次高落筆故自不同

震澤集

余煥

余煥工大小篆書筆勢奇偉真文忠公嘗使書聖賢言揭坐側稱其如正人端士服吉衣冠巍然拱手使人望之起肅敬雖嚴師善友曾不過是

闕書

杜杲字子昕邵武人淳祐中為敷文閣學士兼吏部尚書淹貫多能為文麗密清

嚴善行草急就章

宋史本傳

史彌遠

史彌遠字同叔淳熙十四年舉進士寶慶六年拜太史右丞相兼樞密使魯國公

追封衛王謚忠獻

宋史本傳

彌遠工筆札其蹟雜見鳳墅續法帖中

書史會要

楊簡

楊簡字敬仲慈溪人乾道五年舉進士授富陽主簿常平使者朱熹薦之紹熙五

年為國子博士嘉定元年授祕書郎寶慶元年轉朝議大夫慈溪縣男尋以寶謨

閣直學士致仕咸淳間制置使劉黻即其居作慈湖書院

宋史本傳

慈湖先生楊公道德學問追媿前修而於翰墨尤極嚴謹酬荅四方書問無一字

作行押體蓋其齋莊中正表裏惟一故形於心畫亦絕類文正公而清勁過之

西山

集

慈湖字畫端嚴清勁使人望之凜然亦足以見其所存不惰而隨寓有則

杜範清獻

薛季宣

薛季宣字士龍一作士隆永嘉人年十七起從荆南帥辟召為大理寺主簿大理正出知

湖州改常州宋史本傳

薛士龍抄書動千百卷未嘗有一字行草止齋集

薛寺正於書無不讀耽玩鍾鼎古文搜奇抉怪凡易識者多不用古文所無間以

小篆補其闕真好古哉攻媿集

陳傅良

陳傅良字君舉温州瑞安人研精經史貫穿百氏以斯文為己任官至寶謨閣待

制贈通議大夫宋史本傳風度高遠動輒過人詩律之精深字畫之道媚登覽高致

吟諷低昂親之則使人意消王謝韻度尚可想也攻媿集

林希逸

林希逸字肅翁號竹溪又號廬齋福清人乙未榜由上庠登第凡三試皆第四是

歲真西山知舉癸辛雜識

希逸官考功員外郎能書書史會要

林泳

林泳希逸子亦能篆書史會要

姜夔

姜夔字堯章番易布衣也自號為白石生好學無所不通請于朝欲政頌臺樂律以議不合而罷有大樂議琴瑟攷鏡歌等書傳於世運筆道勁波瀾老成著續書譜一卷議論精到用志刻苦筆法入能品謝采續書譜序

趙子固目姜堯章為書家申韓研北雜志

姜白石書法迴脫脂粉一洗塵俗書史會要

張即之

張即之字温夫號樗寮歷陽人參知政事孝伯子中進士舉歷司農寺丞授直祕閣

以能書聞天下金人尤寶其翰墨宋史本傳

張温夫祕閣喜作擘窠大字不一詩輒盡一幅絹金人極愛重之好書少陵古柏

行俞州山人稟

陳讜

陳讜字正仲興化人官至尚書與張即之同時並以書名書史會要

張即之陳讜之書一時籍甚豐碑巨刻散流江左衍極

楊鎮

楊鎮字子仁號中齋嚴陵人尚理宗女周漢國公主官至左領軍衛將軍駙馬都

統謚端孝喜觀圖史書學張即之書史會要

單煒

單煒字炳文號定齋居士沅陵人博學能文考訂法書尤精字畫道勁得二王法

度

書史會要

徐璣

徐璣字文淵任建安主簿移武當令改長泰令工唐詩得魏人單煒教書法心悟所以然無一食去紙筆暮年書近蘭亭

葉適水心集

曾三異

曾三異字無疑

戴復古石屏集云臨江軍人

少有詩名楊文節公深喜之尤尊經學屢從朱文公先生問辨端平初以秘閣校勘召力辭強起造朝授承事郎主管華州雲臺觀能作

小楷書六經諸書自號雲篆

胡桐峽江縣志

蔡抗

蔡抗字仲節處士元定孫紹定二年進士累官參知政事謚文肅

宋史本傳

致廣大十二大字建安人蔡抗書在鎮江府學壁上匣石

古今碑帖考

劉克莊

劉克莊字潛夫號後村興化人官至尚書謚文定書迹亦佳

書史會要

王埜

王埜字子文

金華游錄云號潛齋

婺州金華人登嘉定十二年進士第寶祐二年拜端明殿學

士簽書樞密院事封吳郡侯工於詩書法祖歐陽詢署書尤清勁

宋史本傳

寶婺觀中八詠樓扁智者寺倚松亭扁靈源勝地四大字皆潛齋王公植書

金華

游錄

赤松山亭額王桎書

徐沁金華游錄注

雨花臺總秀堂扁宋王桎書

江寧府志

潘繼先

潘繼先金華人謝翱云金華福地四字郡人潘繼先篆

金華游錄

蕭則

蕭則字則山新喻人紹定五年進士以史館校勘遷武學博士進大府丞求補外

遂奉祠得肆力於文字工篆隸凡名勝扁額多其所書尤善吟詠號大山

管大勳臨

江府志

蘇基先

蘇基先溫之瑞安人登寶祐癸丑第初調臨安府浙江稅終金華令辭章雋永不

事雕飾作詩平淡潔雅正書淳健結密行草有楊少師風致

王魯齋集

陳公著

陳公著四明人登寶祐丙辰進士初歷州縣時宰欲致之門下弗附累官至朝奉

大夫祕書監知台州題松江圖古箋詩一首時年八十矣用筆沉著端勁而行復

勻整不苟足以占知其為有德君子也 鮑翁家藏集

韓境

韓境字仲容相臺之秀寓居于越嘗以架閣言事貶於婺詩書筆札皆工

王魯齋集

曹松泉

曹松泉天台人攝棗陽倅日穆陵遣賜督府詩字可尺許松泉效李陽冰篆作一

圖以賀又以古篆文十二冊為侑 書史會要

傅穉

傅穉字漢孺湖州人善歐書施宿刻父元之所注坡詩俾書之 癸辛雜識

丁魏

丁魏嘉熙間監行在左藏西庫能篆 書史會要

林宗道

林宗道字仲學福清人為文章以材器自負善隸書晚年用筆益蒼勁景定間嘗

領鄉薦 八閩通志

鄭東起

鄭東起舊名震龍福清人居教授為文章有氣魄亦善字書學者多寶愛之 八

閩通志

張湜

張湜丹陽人長於詞翰兼能篆

書史會要

洞陽館記嘉熙丁酉丹陽張湜撰并書

茅山志

趙希棊

趙希棊理宗時人長生東庫碑寶慶改元承信郎新監潭州南嶽廟臨江趙希棊書

蔣擢湘

山事狀

廖瑩中

廖瑩中字羣玉撰福華編稱頌似道鄂功

宋史賈似道傳

賈師憲客廖羣玉以淳化閣帖絳州潘氏帖二十卷並以真本書丹入石皆逼真

辛翰識

何基

何基字子恭

王柏魯齋集云號北山

婺州金華人景定五年詔舉賢基被命添差婺州學教授兼

麗澤書院山長力辭咸淳初授史館校勘兼崇政殿說書改承務郎主管西岳廟

終亦不受卒謚文定

宋史本傳

北山何先生書清勁端楷無一筆匆匆亦足以見其心德深潛純粹之懿

王魯齋集

何欽

何欽字無適北山先生之嗣子也天才不羣有晉宋之遺風焉

王魯齋集

何無適善草書

何基北山文集附錄

馬光祖

馬光祖字華父

號裕齋

婺州金華人寶慶二年進士調新喻主簿從真德秀學累官

寶章閣直學士沿江制置使知建康府兼行宮留守咸淳三年拜參知政事五年

拜知樞密院事謚莊敏

宋史本傳

高座寺雨花臺記宋馬光祖文并書明道先生祠記三朱熹游九言真德秀文馬

光祖跋張文潛書太白鳳凰臺詩馬光祖書跋倪屋刻石臺上景定清化諸橋額

皆馬光祖書

江寧府志

鄭僑

鄭僑字惠叔號回溪興化人狀元及第官至參知政事贈太師封郇國公謚忠惠

善行草著書衡三篇

書史會要

鄭寅

鄭寅字子敬僑子官至尚書左司除寶章閣致仕博極羣書留心翰墨作包蒙七

卷

書史會要

文天祥

文天祥字宋瑞又字履善吉之吉水人年二十舉進士理宗親拔為第一咸淳中

除右丞相兼樞密使衛王立加少保信國公至元十九年死衣帶中有贊曰孔曰

成仁孟曰取義惟其義盡所以仁至讀聖賢書所學何事而今而後庶幾無媿

宋

應天府學書明德堂文天祥手書

江寧府志

陳恕可

陳恕可字行之一字如心光州固始人以廕補將仕郎咸淳十年中銓試授迪功郎泗州虹縣主簿以平江路吳縣尹致仕詩文醇正近古小篆似吳興張有自號宛委居士

陳旅安雅堂集

葉閻

葉閻號秋臺金華人草法類小王勁潔可愛

何基北山文集附錄

潘桂

潘桂字仲性金華人善隸

何基北山文集附錄

余聖錫

余聖錫號慎齋金華人善篆

何基北山文集附錄

趙稟

趙稟度宗時人芟山石壁咸淳二年長沙趙稟題字徑四寸許筆法甚似晦翁

符衍灤陽志

陳瑛

陳瑛字伯英為郡教授篆書千文字體整潔咸淳中人

全蜀藝文志

謝枋得

謝枋得字君直號疊山信州弋陽人寶祐中舉進士德祐元年以江東提刑江西招

諭使知信州宋史本傳

元李存跋疊山帖云疊山先生筆力勁健去此且百年方凜凜生氣侯蕃集

姚勉

姚勉官校書郎文天祥云龍泉縣太霄觀扁額校書郎姚君勉筆也文山集

金應

金應者性少剛知義為文天祥職書司入京補承信郎官路分天祥奉使被執

左右皆散應獨無畔志宋史本傳

金應以筆札往來吾門二十年文山集

周密

周密字公謹號草窗齊人寓居吳興寘業弁山號弁陽老人著齊東野語癸辛

雜識雲煙過眼錄陳繼儒秘笈

薛梯颺為施岳仲山誌周草窗題蓋湖山勝槩

李箕房

李箕房與周密同時薛梯颺為施岳仲山誌李箕房書湖山勝槩

趙孟堅

趙孟堅字子固號彞齋居士宋宗室也不樂仕進隱居秀州之廣陳鎮從弟子

昂自茗中來訪閉門不納夫人勸之始令從後門入坐定第問弁山笠澤近來佳否子昂云佳公曰弟奈山澤佳何子昂慚退便令蒼頭濯其坐具

姚桐壽樂郊私

趙子固以北海學子敬病在敲側

容臺集

趙孟頫

趙孟頫字景魯孟頫陰補承務郎知臨安府仁和縣轉承事郎授簽書高郵軍判

官宋歸於元宦情素薄不求仕進日以翰墨為娛書九經一過細字謹楷人傳

以為玩喜與名僧遊書蓮花華嚴楞嚴圓覺金剛諸經皆數過明牕淨几焚香

淪茗四時花草婆娑愛賞欣然自得

松雪外集

龔開

龔開字聖與號翠巖淮陰人宋兩淮制置司監官博聞耿介作十隸得漢魏筆

意書史會要

陳深

陳深字子微宋末吳人以字學知名

甫田集

深書法追魏晉天曆間以能書薦不赴學者稱寧極先生

姑蘇志

趙昌甫

趙昌甫信州人趙師秀贈詩云文章出晚歲字畫猶壯齡

趙師秀清苑齋集

李翔

李翔作白字書霸王廟碑 珊瑚鈎詩話

陳振

陳振字震亨古靈先生襄之後為文簡健無宋季陋習好楷書有歐虞氣骨官至太府寺丞知永瑞二州以朝議大夫致仕 方鵬崑山志

黃仁儉

黃仁儉字約之奉化人官青田丞書法甚精源流二王而道勁似歐陽率更真草行書皆見重於世至今石刻猶有存者 張時徹寧波志

陳仲輔

陳仲輔歸善人博學善屬文工於隸篆為世所重嘗作枕屏篆五箴文遺侍講陳鵬飛鵬飛以詩荅之云闌干一幅鵝溪絹中有五箴排小篆銀鈎小變科斗文挂我牀頭星斗爛 楊載鳴惠州府志

謝履

謝履字履道第進士調南安主簿歷祕書丞知婺州善行隸有雙峰詩集行世 林應標惠安縣志

黃孝綽

黃孝綽再舉進士不第後特奏名不合嘗游舒州太湖灑山樂焉自號灑山叟尤

善書其法本二王顏柳

唐莊浦城縣志

杜去輕

杜去輕字端父有文名吳師道跋端父墨蹟云此帖深得山谷老人筆意

章惇蘭溪

志

黃穎

黃穎字秀實官至中書舍人提點江州太平觀工隸書

八閩通志

李翊

李翊字仲和號竹山溧水人進士為無為軍節制官工書法謨稽古韻及存古正

字編

書史會要

鄭溫

鄭溫字天和工篆

書史會要

葛剛正

葛剛正工篆

書史會要

牟益

牟益字德新晚年喜篆書深究古文嘗取詛楚石鼓鐘鼎等文為辨證一編以糾

釋文之誤

書史會要

曹士冕

曹士冕字端可號陶齋昌谷之後博參書法服膺蘭亭

書史會要

杜良臣

杜良臣字子卿豫章人學問該洽以小篆重一時筆法精妙

書史會要

鄭昂

鄭昂字尚明福州人善筆翰嘗撰書史二十五卷

書史會要

戴侗

戴侗永嘉人能篆有所編六書故行於世

書史會要

魏宋直

魏宋直號穎峰山人書宗米芾

書史會要

周頌

周頌益公之後嘗倅洪其書清勁復工扁榜大字

書史會要

冀上之

冀上之字冠卿西河人楷書師歐陽率更

書史會要

姚現

姚現草書極似王逸老

書史會要

趙必暉

趙必暉字伯暉號庸齋宗室也官至奏院宗丞善隸楷作續書譜辨妄以規姜夔

之失 書史會要

單夔

單夔官至侍從倣唐八分方勁有體師豫章 書史會要

司馬括

司馬括字子開文正公光之後寓居豫章長於隸亦善行 書史會要

胡理

胡理字德輝書學鍾繇 書史會要

朱昌齡

朱昌齡書亦佳 書史會要

張駒

張駒陽羨人善楷書 書史會要

葉鼎

葉鼎字和仲號山澗古括人篆隸皆能書 書史會要

袁炯

袁炯字季野豫章人學率更書亦道媚可愛 書史會要

張鎰

張鎰字季萬北人居滁州善草書 書史會要

祝次仲

祝次仲字孝友太末人善草書

書史會要

姚敦

姚敦字公儀江左人潛心篆學得前古遺意

書史會要

鄭元秀

鄭元秀善隸書

書史會要

邢疏

邢疏善篆

書史會要

宋棻

宋棻字文芳錢塘人善書

書史會要

杜茂修

杜茂修善書

書史會要

高夢

高夢字止善梁溪人善書

書史會要

陳希愈

陳希愈字師韓善書

書史會要

曹之格

曹之格嘗模古帖刻石曰寶晉齋帖

書史會要

劉震孫

劉震孫字長卿號朝齋中州人善大字尤有位置

書史會要

張鑑

張鑑字功父號約齋

見畫家傳

字畫亦工

圖繪寶鑑

潛說友

潛說友字君高縉雲人咸淳中知平江

姑蘇志

仙都山銘潛說友篆

陳性定仙都志

王原父

王原父楷書秋水篇字稍大於尚書宣示筆法肥渾而精熟師蔡君謨但無君謨

清氣後有元名人跋

寓意編

熊與蘇

熊與蘇字天樂豫章人性介澹無妻不食肉通經史百氏之書布衣草屨遨遊名

山尤嗜彈琴草書

杜本公音

張東

張東書李白鳳皇臺詩

古今碑帖考

龔穎

龔穎篆玉帶河三大字秀山斗門四大字俱在武陵

古今碑帖考

李慎由

李慎由未詳何時人凌虛堂三大字碑宋知同州事李慎由書字古健結構有法

喬世寧耀州志

志

郝德新

郝德新未詳何時人於潛縣儒學重修記縣人吳度撰東平郝德新書

廖瑜杭州府志碑碣目

潘容

潘容未詳何時人於潛縣儒學重修記縣人吳度撰東平郝德新書潘容篆額

廖瑜杭州府志碑碣目

碑碣目

楊小瑛

楊小瑛未詳何時人宣和貴人家有寫唐會要一軸係第七卷後題行官楊小瑛書字畫

頗佳西溪叢語

李伉

李伉未詳何時人鄆州州學新田記碑宋李伉隸書題額下款俱如漢刻有古受禪遺意

立蹟記

張滌

張滌未詳何時人宋東嶽廟碑張滌書

天下金石志

龐仁顯

龐仁顯未詳何時人宋清淨護命經龐仁顯書天下金石志

張安祖

張安祖未詳何時人石彥政吏隱堂記張安祖書字雖未足名家然清宛不俗亦宋人中

之平實者墨林快事

佩文齋書畫譜卷第三十六

書家傳十五

宋五

蘇殿丞已下十人名氏遺闕

蘇殿丞仁宗時人歐陽修與費縣蘇殿丞書云承惠篆碑滁陽山泉誠為勝絕而率然之

作文鄙意近乃煩雋筆以傳於遠六一居士集

張郎中

張郎中仁宗時人梅堯臣寄致仕張郎中詩云畫鶴能同薛少保愛書還比蔡中郎宛陵集

陳隱居

陳隱居佚其名蘇軾云陳公密出其祖隱居先生之書相示學蔡君謨之書如學龍伯

高之為人東坡集

母山拙逸

梅山拙逸

佚其姓氏

張長史春草帖跋有宣和四年梅山拙逸題字

鐵網珊瑚

夏御帶

夏御帶

高宗時人

曹勛跋夏御帶所書千文云太尉夏公以戚里肺腑之貴躬翰墨冷淡

之學敦詩閱禮博綜羣書心慕手追備盡八法其於點畫之妙已凌跨昔賢意好不倦日進未艾也

松隱集

方校書

方校書

劉克莊同時人

劉克莊飲方校書園詩云西舍鳴笳索賦詩東家拽石靖書碑

後村

集

卿師

卿師

陸游同時人

陸游云本朝小楷至宋宣獻後僅有道士陳碧虛一人今其里中前輩

卿師所書則蕭散小不逮碧虛而法度森嚴無媿者亦名筆也

渭南文集

如愚居士

如愚居士

佚其姓氏

金陵牛頭山辟支佛方塔上有淳祐四年如愚居士書滿庭芳詞字

畫類山谷

玄牘記

謝童子

謝童子不知何許人亦不詳其名字相傳為宋人十歲不能言父母竊怪之多苦

焉令牧牛一日作牧牛謠是後遂能言益神明能書書逼晉能詩詩逼唐多著述

閩士選斬水縣志

松軒

松軒佚其姓氏宋乾坤清氣四大字松軒書在道州古今碑帖考

俞處士

俞處士造筆精緻甲吳中俞頗能書理則然也餬口不餘見古碑法書捐衣食求之不論價所蓄多善本陳造江湖長翁集

翦字吳道人

翦字吳道人翦季義山經年別遠公詩用青紙翦字作米元章字體逼真誠齋集

李舜舉

宦者李舜舉字公輔開封人熙寧中領文州刺史轉嘉州團練使謚忠敏覽書傳能文辭筆札神宗嘗書李舜舉公忠奉上恭儉檢身始終惟一以安以榮十九字賜之宋史宦者傳

楊日言

內臣楊日言字詢直開封人喜經史工篆隸八分書史會要

梁師成

宦者梁師成字守道慧黠稍知書高自標榜以翰墨為己任宋史宦者傳

王介

內臣王介字默菴能書書史會要

趙元昊

趙元昊小字鬼理夏州人夏王李彝興之後太平興國中賜姓趙元昊曉浮圖學通蕃漢文字自制蕃書命野利仁榮演繹之成十二卷字形體方整類八分書而書頗重複教國人紀事用蕃書而譯孝經爾雅雜字為蕃語宋史夏國傳

洪瓘

洪瓘高麗人清燕閣記通奉大夫寶文閣學士右散騎常侍上護軍唐城郡開國男食邑三百戶賜紫金魚袋洪瓘奉教書記稱寶文清燕二閣以奉宋帝御製詔

勅書畫徐兢高麗圖經

洪灌字無黨力學善書效新羅金生筆法高麗史 按灌與瓘同時 雖偏旁互異當是一人

李仁老

李仁老字省叟能屬文善草隸高麗史

金恂

金恂字歸厚工隸書為密直副使高麗史

金方慶

金方慶字本然志學善書官至兵部尚書翰林學士高麗史

郭預

郭預字先甲善屬文書法瘦勁成一家體高麗史

金暉

金暉字用晦密直學士善隸書高麗史

李穎

李穎博聞強記工草隸為翰林學士承旨高麗史

李岳

李岳字古雲工隸書為左承旨高麗史

成石璘

成石璘字自修善書高麗史

史彥暉

史彥暉聰悟過人善書畫為尚食奉御高麗史

陳搏

陳搏字圖南亳州真源人服氣辟穀居華山雲臺觀又止少華石室每寢處多百餘日不起太平興國中來朝太宗待之甚厚賜號希夷先生宋史本傳

希夷先生字體雄偉不凡有古人法度薛蕙考功集

武仙童

武仙童仁宗時乾元觀道士楊守程題武仙童碑云觀妙先生朱白英嘗解后武仙童

後先生於仁廟時應詔還山忽接仙童書殷勤誨諭意警先生韜光晦迹世不耀名其真墨蹟政和四載道君皇帝搜羅天下奇異之文遂爲句容令索取以進斯本舊偶摹寫令工刊石庶永其傳

茅山志

白玉蟾

白玉蟾號瓊瑄本姓葛名長庚大父有興福州閩清縣人董教瓊州而生真人於瓊冒白姓天資聰敏髫齡時背誦九經十歲來廣城應童子科主司命賦織機詩遇泥丸真人陳翠虛攜入羅浮遍遊名山善草書有龍翔鳳翥之勢封紫清明道真人嘉定末詔徵赴闕對御稱旨命館太乙宮一日不知所往

武夷山志

玉蟾生於海南自號海瓊子或號海南翁或號瓊山道人或號蟾菴或號武夷散人或號神霄散吏蓬頭跣足一衲弊甚而神清氣爽喜飲酒不見其醉出言成章文不加點隨身無片紙落筆滿四方大字草書視之若龍蛇飛動兼善篆隸

唐順之左編

陳明

陳明攢陵鋪兵也人呼爲陳院長年三十有五時犯罪受杖遂蓬頭跣足若病狂者往來行歌無定止頗能知未來事雪中不施一縷臥野橋上氣騰如蒸眼色正碧好以白堊書地且讀且歌文類五銖錢文觀者莫識

孫鑣紹興志

石五仙

石五仙

不知何時人

衆妙峰山隱書巖石五仙書可望不可取

約齋燕遊志

徐清

徐清字靜之蓬萊女官也下西里王氏詩作謝體書效黃魯直妍妙可喜陳師道

后山集

張繼先

天師張繼先封嗣漢三十代天師能書

書史會要

宣和御製化道文碑政和二年嗣漢三十代天師張繼先書

茅山志

張有

道士張有字謙中吳興人隱於黃冠善篆書法甚古撰復古編行於世皆寫篆

非畫篆陳晞章友直文勛輩繁豪洩墨如朽如畫筆癡而無神張有用寫篆法神明意用到昔人波瀾

書史會要

饒節贈道士張謙中詩云道人髭鬚似民部平生篆隸心獨苦世間筆墨一點

無駸駸氣象追千古道人得師在何許秦漢鼎彝周石鼓若嶧山碑若詛楚二

李而下初不數異時心醉不窺園依繩作直規作圓一朝妙解古人意脫落尺

度誠其天嗟君絕藝世無敵勿示時流渠未識我亦當年好古人推席為君三

歎息

饒節倚松老人集

吳興道士張有自幼喜小篆年六十著復古編二卷據古說文以為証其點畫

微轉側縱橫高下曲直豪髮有差則形聲頓異自陽冰前後古人往往而失其精且博如此

徐獻忠吳興掌故集

篆法自秦李斯至宋吳興道士張有而止

研北雜志

張謙中篆法甚古龜山先生嘗敘其所為書故其名尤重

道園學古錄

陳景元

道士陳景元字太虛號真靖師自稱碧虛子建昌南城人喜讀書至老不倦凡道書皆手自校寫遊京師神考聞其名即其地設普天大醮命撰青詞賜對天章閣累遷至右街副道錄己卯歸廬山嘗與蔡卞論古今書法至歐陽詢則曰世皆知其體方而不知其筆圓卞頗服膺生平不喜作草字惟正書祖述王羲之樂毅論黃庭經下逮歐陽詢化度寺碑

宣和書譜

碧虛子小楷得丁道護筆勢所書相鶴經既精善又筆勢婉雅有昔賢風槩

東觀餘論

本朝小楷宋宣獻後僅陳碧虛一人

渭南集

碧虛子詩句字畫皆清婉可喜

朱子文集

黃石老

黃石老撫州崇仁縣玉清觀道士工古篆

鶴山集

張復陽

佩文齋書畫譜
卷之六
道士張復陽明周易姤復之旨作復陽圖善詩畫書法適美年八十餘步履輕捷
自謂張果後身 平湖志

司馬鍊師

司馬鍊師善大篆及楷 書史會要

王易

道士王易號青牕故樞密王桎之孫初名進思官惠院號淳齋善書而好吟以避
世立兄子為子使出贅復分田送其妻歸母家而自為道士 謝翱金華遊錄

釋夢英

釋夢英衡州人效十八體書尤工玉箸嘗至大梁太宗召之簾前易紫服去遊中
南山當世名士如郭恕先陳希夷宋翰林白賈大參黃中之儔皆以詩稱述之師

號宣義

墨池編

夢英千字文乾德三年夢英篆并古文題額夫子廟堂記唐程浩撰刊石在湖州
臨安縣夢英重書妙高僧傳序陶穀撰夢英書郭忠恕篆額夢英書偏傍字源咸

平六年元守全立王審亮勾當建

弁州山人業

英公書正書第一篆次之分隸又次之 石墨鐫華

釋崇化

釋崇化開寶時人太廟街近城有古觀音寺開寶皇后命孫德元畫西方淨土極

奇古精妙僅存半壁僧崇化大師為之贊書亦有法

宋辛龍識

釋雲勝

釋雲勝太宗時人宋譯三藏聖教序西域僧天息災譯三藏太宗為序雲勝書

石墨鐫華

釋省欽

釋省欽善八分書太宗召於殿上書數行得賜紫衣

小古集

釋正蒙

釋正蒙書得誠懸法

石墨鐫華

釋嗣端

釋嗣端真宗時人宋藍田縣修夫子廟碑進士董儲記僧嗣端書分隸深得唐人法大中

祥符四年立

石墨鐫華

釋靜已

釋靜已書偈語碑在西安府學行草甚類英大師靜已英之徒也

石墨鐫華

釋善雋

釋善雋真宗時人普濟禪院碑在汧陽于侍御永清始獲之亟稱賞以為不減聖教書

者為僧善雋署曰習晉右將軍王羲之書其年為大中祥符書雖遜古猶有唐

風

石墨鐫華

釋懷賢

釋懷賢字潛道姓何氏温州永嘉人天禧二年受具戒時年四歲多才藝工於詩字畫有法賜號圓通大師

淮海集

釋志言

釋志言姓許壽春人仁宗延入禁中徑登坐結跌飯畢遽出未嘗揖也陰卜休咎書紙揮翰甚疾字體適壯不可曉其後多驗

宋史方技傳

釋緣槃

釋緣槃仁宗時人李觀荅緣槃師見示草書千字文詩云去年有使自番陽手藉一函

來我所發函乃是緣槃書千字滿前雲縷縷衆人飽食已用心欲嚙伯英肥美

處當時名士嘉其能長序短篇聯繡組

李觀野莊集

釋惟悟

釋惟悟景祐中人字法清緊適上

墨林快事

宋中書門下牒永興軍一通乃宋仁宗因范雍之改地為學欲請九經書籍者當時着陽僧惟悟正書上石字畫適勁有歐陽率更遺法

少晴記

釋思聰

釋思聰字聞復錢塘人七歲善彈琴十二捨琴而學書書既工十五捨書而學

詩詩有奇語老師宿儒皆敬愛之秦少游取楞嚴文殊語字之曰聞復

東坡集

釋意祖

釋意祖蜀人子由白河朔持蘭亭歸寶月大師惟簡請其本令左綿僧意祖模刻於石

東坡集

諤師

諤師失其系魏野有送諤師赴王寺丞召寫碑詩云才高吐鳳欺黃絹墨妙迴鸞命碧雲雙美便堪傳萬古義之書法退之文

鉅鹿東觀集

釋希白

釋希白字寶月號慧照大師長沙人慶曆中嘗以淳化閣帖模刻於潭之郡齋

書史會要

希白善書填本刻石不甚失真

文獻通考

釋希賜

釋希賜英州人英州郡守何智甫壘石為橋東坡作四言詩一首石刻不存今

刻乃希賜所書也

容齋三筆

釋若達

釋若達神宗時人蘇軾書若達所書經後云若達所書二經經為幾品品為幾偈偈為

幾句句為幾字字為幾畫其數無量而此字畫平等若一無有高下輕重大小

東坡集

釋道潛

風文齋書畫譜

卷三

書家傳十五

五

同文圖書館印

釋道潛號參寥子錢塘人哲宗朝賜號妙總大師為蘇省山客唱和往還形於

翰墨參寥子集

參寥書謹嚴而疎蕩稱其為人釋居簡北磻文集

釋穎德秀

釋穎德秀與參寥同時老坡與參寥一帖云穎書柳鬼傳道婉而勁文賦尤老成釋居簡北磻文集

磻文集

釋慈賢

釋慈賢楊伯嵩藏林彥祥盧鴻草堂圖雲錦淙歌冷雲菴釋慈賢書雲煙過眼錄

釋淨曇

釋淨曇楊伯嵩藏林彥祥盧鴻草堂圖金碧潭歌無所住淨曇書雲煙過眼錄

釋仲殊

釋仲殊號太平閒人楊伯嵩藏林彥祥盧鴻草堂圖十志詩其九則太平閒人

仲殊書雲煙過眼錄

釋顥彬茂書史會要誤作穎彬茂
蔣分為二人今正之

釋顥彬茂廬山人善王書皇朝事實類苑

釋夢貞

釋夢貞關右人善柳書皇宋事實類苑

釋惠崇

釋惠崇壽春人

見畫家傳

善王書

書史會要

釋苑基

釋苑基浙東人善顏書多寫碑石印板皆不下前輩

聖宋事實苑

釋言法華

釋言法華工書蘇軾嘗云僕書作意便髣髴似蔡君謨得意便似楊風子更放則

似言法華矣

書史會要

敷道人

敷道人作字筆勢道勁可愛

山谷集

政禪師

政禪師秦少游絕愛其書問其筆法政曰書心畫也作意則不妙耳喜求兒童字觀其純氣少游見其功臣山書歎為非積學所至

石門文字禪

釋昭默

釋昭默書暮年臻妙自臥疾後無他嗜好以翰墨為能事

石門文字禪

釋瑛公

釋瑛公風骨清癯與南州名士游淡然無營獨杜門手寫華嚴經精妙簡遠之韻

出於顏柳

石門文字禪

南禪師

黃龍南禪師手錄四十二章經筆法深穩莊重而瘦得頗平原用筆意

石門文字禪

釋克文

釋克文號雲菴閱鄉鄭氏子南禪師之的嗣禪師學魯公字最有工當時歸南

公者無不學之然無出雲菴之右者

石門文字禪

道人栖公

道人栖公書大方廣佛華嚴經於方冊中其輕妙可以一掌置開編蠕蠕如行螳

熟視之其橫斜曲直重交反仄曲盡其妙不翅如擘窠大書

石門文字禪

釋敏傳

釋敏傳能書筆楮不擇精麤飛翰如蠶食葉俄頃千字橫斜布列擘窠基畫

石門文字禪

字禪

宗上人

宗上人東甌人書僧寶傳謹楷精嚴賢於率更遠甚

石門文字禪

圓上人

圓上人臨川人書僧寶傳小字薄紙畫精誠

石門文字禪

釋法暉

釋法暉政和二年天寧節以細書經塔來上效封人祝萬歲壽作正書如半芝麻

粒寫佛書十部曰妙法蓮華經曰楞嚴經曰維摩經曰圓覺經曰金剛經曰普賢行法經曰大悲經曰佛頂尊勝經曰延壽經曰仁王護國經自塔頂起以至趺坐層級鱗鱗不差豪末作字時取竅密室正當下筆處容光一點明而不曜其字累數百萬不容脫落始終如一

宣和書譜

釋靜萬

釋靜萬工書宋慈雲寺晉之玉兔寺去應請之張仲尹詩之靜萬集右軍書之

墨譜

釋仁欽

釋仁欽徽宗時人靈巖寺石刻有大觀三年住持仁欽篆書心經全石六字記

釋和公

釋和公徽宗時人曹溪大鑿禪師碑元和中柳柳州文紹聖中蘇定武書前長老辨公立

石崇寧初毀去長老和公更書而刻之唐庚眉山集

釋法具

釋法具字圓復洪邁云吳人紹興初詩僧也有月夜遊錢塘江詩云小舟為我載月色白

沙翠竹光相射後云白下金陵四百年無此豪逸政魏集

法具能詩字體效王荆公容齋三筆

釋處嚴

釋處嚴字伯威姓賈氏自號潛澗温州樂清人博學詩文尤典重且工書有晉宋法嘗手書法華光明二經以報母德又書華嚴經八十卷首末不懈字法益工
王十朋榜溪先生文集

釋處良

釋處良字遂翁會稽山陰劉氏子紹興五年甫九歲以童子得度英邁玉立能文

辭善筆札
渭南集

釋行霆

釋行霆嘗從吳興宋杞作篆
書史會要

釋德止

釋德止號清谷善屬文尤工正書
書史會要

釋省聲

釋省聲一作德聲廬山人工行書廬山多有所書碑刻
書史會要

釋思齊

釋思齊杭人書師柳公權有所書放生池碑在杭州
書史會要

釋從密

釋從密字世疎長沙人以草聖為世所稱
書史會要

釋仁濟

釋仁濟字澤翁姓童氏書師蘇軾書史會要

釋懷則

釋懷則書攝山棲霞寺碑文集右軍書勒之石亦聖教序遺法也結體極婉潤逼

真余州山人蒙

釋惠曇

釋惠曇富宗時人真空壇記慶元乙卯知塔惠曇書蔣樞相山事狀

釋溫日觀

釋溫日觀居葛嶺瑪瑙寺人但知其畫蒲萄不知其善書也世傳蒲萄多贗其真

者枝葉鬚梗皆草書法也鄭元祐遂昌雜錄

釋淨師

釋淨師住杭州臨平廣嚴院善草聖圓熟有法紹興初被召作草首書名花傾國

兩相歡帝不悅賜罷今錢塘人家所收稱王逸老合作者皆其書也書史會要

釋省言

釋省言趙岬云得心經序於報恩寺壁間唐南陽忠國師述宋九華山僧省言書

書全出伯施幾於亂真石墨鐫一筆

釋宗相

釋宗相善詩章字學精博書史會要

釋了性

釋了性餘杭人精於醫而善草書書史會要

總持院老僧

總持院老僧年七十及從徐師川遊能寫字鼓琴周必大乾道庚寅奏事錄

釋彥脩

釋彥脩草書亦自楊少師出十得其六七焉墨林快事

釋宗蟻

釋宗蟻夫許何宋草堂寺舍利亭記甯祖武撰釋宗蟻書天下金石志

釋法舟

釋法舟洪舜俞帖跋有法舟書鐵網珊瑚

峨眉道者

峨眉道者居大梁景德寺二十年沐浴端坐而逝書長短句於堂側壁上絕高處云明月斜西風冷今夜故人來不來教人立盡梧桐影字畫飛動如翔鸞舞鳳非世間筆也周少隱竹坡詩話

山陰僧

山陰僧偽作王大令書保母墓志韓侂胄以千緡市其石洞天清錄

釋寂照

釋寂照號圓通大師日本僧不通華言習王右軍書頗得其筆法章草特妙中
土能書者亦鮮及紙墨尤精景德三年入貢上召見賜紫衣束帛

日本僧喬然

雍熙元年日本僧喬然與其徒五六人浮海而至喬然善隸書而不通華言問

其風土但書以對云國中有五經書及佛經白居易集七十卷並得自中國

日本國傳

朱嚴妻

朱嚴妻王禹偁贈朱嚴詩妻裝秋卷停燈坐自注云嚴妻能書

小吉田集

安國夫人崔氏

安國夫人崔氏韓琦妻善書札體法甚老殊無婦人氣

安陽集

夏竦妻楊氏

夏竦妻楊氏工筆札

宋史夏竦傳

天水郡太君權氏

天水郡太君權氏善草隸書誦數經能略通其說

臨川集

郭氏

郭氏曾祖恕祖遵式父昭晦聰明孝謹能讀書史善書畫選歸於皇從孫右監

門衛將軍世單封武昌縣君嘉祐二年卒

歐陽文忠公集

和國夫人王氏

和國夫人王氏宗室趙仲輓室能詩章善字畫

書史會要

史琰

史琰字炎玉州刺史張閭聘為冢子祺之配祺亦有才倡和成集名曰和鳴作字用秃筆體法古勁

曹學佺蜀中詩話

唐氏

唐氏能書梅堯臣泗州觀唐氏書詩云唐氏能書十載間誰教精絕到紅裙百金買盡蒲葵扇不必更求王右軍

宛陵集

章煎

章煎友直女工篆書傳其家學友直執筆自高壁直落至地如引繩而煎亦能如

其父

書史會要

丁氏

丁氏洪慶善夫人賢而有文字畫勁麗

張綱華陽老人集

胡氏

胡氏胡元功尚書之女黃由之夫人善筆札時作詩文亦可觀自號惠齋居士

皇

南方長洲志

徐氏

徐氏諱蘊行自號悟空道人臨川蔡教授誥之母學虞書得楷法誠齋集

蔡子羽母徐氏三衢人宣和間刑部侍郎敷言女潛心內典學虞世南書嘗手寫

華嚴經梁武懺皆終部帙平園集

蔡同年之母徐夫人手寫佛經九十五卷得唐人筆法字畫亦細楷止齋集

趙夫人

趙夫人廣州鈴轄俞似妻英州之北三十里金山寺法堂後壁題兩絕句廣州鈴

轄俞似妻趙夫人所書詩句灑落不凡而字畫徑四寸道健類薛稷極可喜容齋集

張氏

張氏蜀之故家漢御史綱之後通判宋若水之妻也性賢孝讀書史善筆札通古

今識義理而不肯為辭章其方直之操士夫或有愧焉朱子文集

游氏

建安郡夫人游氏贈光祿大夫黃崇妻而子則端明殿學士中也建中建陽人幼

受班昭女訓通大義至它組紉筆札之藝皆不待刻意而能輒過人朱子文集

謝夫人

謝夫人譚文初妻潁川汝陰人居家雜晨以興家之事無不遍視舍此則讀書觀

古文書畫二事皆精鄭俠西塘集

楊氏

風文齋書畫譜 卷三十六 書家傳十五 三 同文圖書館印

楊氏寧宗皇后妹時稱楊妹子書法類寧宗馬遠畫多其所題

書史會要

方氏

方氏桐廬人陳暉經略子婦

見畫家傳

臨蘭亭并自作草書俱可觀

鄧椿畫繼

吳氏三一娘

吳氏三一娘

研北雜志云越州人

樓鑰云今玉篇惟越本最善末題云會稽吳氏三一娘寫問

之越人無能知者楷法殊精

攻媿集

朝雲

朝雲

蘇軾侍妾

始不識字晚忽學書麤有楷法從泗上比丘尼義沖學佛亦略聞大

義

東坡集

翠翹

翠翹洪內翰侍人字畫婉媚

書史會要

田田 錢錢

田田錢錢辛棄疾二妾也因其姓而名之皆善筆札常代棄疾答尺牘

書史會要

厨娘

厨娘京都人有容藝能算能書字畫端正

洪巽暘谷漫錄

意真

意真劉光世侍兒嚴州烏石寺在高山之上有岳武穆飛張循王俊劉太尉光世

題名劉不能書令侍兒意真代書姜堯章題詩云諸老凋零寔可哀尚留名姓歷
崔嵬劉郎可是疎文墨幾點臙脂浣綠苔鶴林玉露

王英英

王英英楚州官妓也學顏魯公書蔡襄教以筆法晚年作大字甚佳書史會要

梅堯臣贈詩曰山陽女子大字書不學常流事梳洗親傳筆法中郎孫妙畫蠶頭

魯公體又觀王氏書詩云先觀雍姬舞六么妍葩發豔春風搖舞罷英英書大字

玉指握管濃雲飄風馳雨驟起變怪文鯨畫飛明珠跳宛陵集

楚珍

楚珍彭澤娼女草篆八分皆工書史會要

馬昞

馬昞徐州營妓也性惠麗蘇軾守徐日甚喜之能學軾書得其髣髴軾嘗書黃樓
賦未畢昞竊效書山川開合四字軾見之大笑略為潤色不復易之今碑四字乃

昞筆也書史會要

陳湘

陳湘衡陽妓也歌舞出其類學書作小楷山谷集

趙總憐

趙總憐能著碁寫字分茶彈琴向子諲酒邊集

蘇氏

蘇氏建寧人淳祐間流落樂籍以蘇翠名能八分書書史會要

嚴蕊

嚴蕊字幼芳天台營妓也善琴弈書畫書史會要

墨娥

墨娥姑臧太守張憲妓也嘗代憲書札荻樓雜抄

遼

耶律魯不古

耶律魯不古字信寧太祖之從姪也初太祖制契丹國字魯不古以贊成功授林

牙監脩國史遼史宗室表

耶律庶成

耶律庶成字喜隱小字陳六幼好學書過目不忘善遼漢文字於詩尤工重熙初

補牌印郎君累遷樞密直學士初契丹醫人鮮知切脈審藥上命庶成譯方脈書

行之自是人皆通習雖諸部族亦知醫事時入禁中參決疑議有詩文行於世遼史

本傳

突呂不

突呂不字鐸袞官至崇義軍節度使幼聰敏及製契丹大字突呂不贊成為多書史

鄭熙

鄭熙穆宗時人燕山雲居寺碑鹽鐵判官朝議郎行右補闕王正述鄉貢進士鄭熙書吉

金貞石志

釋德麟

釋德麟景宗時人元祐唐寺碑統和五年知薊州軍事判官文林郎試秘書省校書郎李

仲宣撰文沙門德麟書盤山志

釋真延

釋真延道宗時人三教寺佛頂尊勝陀羅尼幢記講僧真延撰并書遼史道宗紀

釋肅回

釋肅回天祐時人感化寺碑乾統七年漁陽南并撰文沙門肅回書盤山志

金

宇文虛中

宇文虛中字叔通蜀人天眷間累官翰林學士知制誥兼太常卿封河南郡開國公書太祖睿德神功碑進階金紫光祿大夫皇統四年轉承旨加特進遷禮部尚

書金史本傳

金太祖武元皇帝平遼碑在南城豐宜門外韓昉撰文宇文虛中書遜賢金臺集

王競

王競字無競彰德人以蔭補官大定二年為禮部尚書兼翰林學士承旨博學而能文善草隸書工大字兩都宮殿榜題皆競所書士林推為第一云金史本傳
都城內城門外墨書粉地內朱書金地皆禮部尚書王競書金圖經

蔡松年

蔡松年字伯堅天會中除真定府判官天德初擢吏部侍郎遷戶部尚書正隆三年進拜右丞相加儀同三司封衛國公加封吳國公謚文簡工樂府與吳激齊名

金史本傳

元好問云百年以來以書名者多矣宇文叔通王無競蔡伯堅父子吳彥高高子文耳目所接見行輩相後先遺山集

蔡珪

蔡珪字正甫松年子中進士第不求調久乃除澄州軍事判官遷三河主簿起翰林修撰同知制誥終維州刺史金史本傳

蔡珪識古今奇字有續歐陽文忠公集錄金石遺文傳於世書史會要

蔡璋

蔡璋字特甫珪弟第進士有書名筆法與珪如出一手中州集

吳激

吳激字彥高建州人米芾之壻也工詩能文字畫俊逸得芾筆意尤精樂府造語清婉將宋命至金以知名留不遣命為翰林待制皇統二年出知深州東山其自號也全史本傳

高士談

高士談字季默中州集云字子文宣和末為忻州戶曹參軍入仕國朝官至翰林直學士全

史字文虛中傳

士談善草書書史會要

張斛

張斛字德容漁陽人仕宋為武陵守國初官祕書省著作郎文筆字畫字文太學

激賞之中州集

鄭晦

鄭晦字光道為代州士曹善篆隸詩筆高雅中州集

任詢

任詢字君謨永平志云號南麓先生易州軍市人書為當時第一畫亦入妙品評者謂畫高於書

書高於詩詩高於文然王庭筠獨以其才具許之登正隆二年進士第歷益都都

勾判官北京鹽使致仕優游鄉里家藏法書名畫數百軸全史本傳

任南麓字流麗道勁不讓二王墨池游海

任詢真草字書氣完力勁世寶傳之

張廷綱永平府志

党懷英

党懷英字世傑

陶宗儀云號竹溪

馮翊人大定十年中進士第能屬文工篆籀當時稱為第一

學者宗之為翰林學士承旨致仕謚文獻

金史本傳

党懷英篆籀入神李陽冰之後一人而已嘗謂唐人韓蔡不通字學八分自篆籀

中來故懷英書上軋鍾蔡其下不論也小楷如虞褚亦當為中朝第一書法以魯

公為正柳誠懸以下不論也

趙秉文滏水集

趙渢

趙渢字文孺東平人大定二十二年進士仕至禮部郎中性冲淡學道有所得尤

工書自號黃山趙秉文云渢之正書體兼顏蘇行草備諸家體其超放又似楊凝

式當處蘇黃伯仲間党懷英小篆李陽冰以來鮮有及者時人以渢配之號曰党

趙

金史本傳

趙秉文

趙秉文字周臣磁州滏陽人也登大定二十五年進士第興定元年拜禮部尚書

兼侍讀學士同修國史知集賢院事哀宗即位改翰林學士自幼至老未嘗一日

廢書文長於辨析小詩精絕字畫則草書尤適勁

金史本傳

趙秉文幼年詩與書皆法子端後更學太白東坡字兼古今諸家學及晚年書大

進詩專法唐人魁然一時文士領袖自號閑閑居士云 劉祁歸潛志

王庭筠

王庭筠字子端河東人登大定十六年進士第調恩州府軍事判官再調館陶主簿明昌元年試館職中選御史臺言不當以館閣處之遂罷乃卜居彰德買田隆慮讀書黃華山寺因以自號三年召為應奉翰林文字命與祕書郎張汝方品第法書名畫遷翰林修撰書法學米元章與趙沍趙秉文俱以名家 金史本傳
庭筠南宮之甥其書法傳子澹游至張天錫 解續書學傳授
庭筠書法沉頓雄快與南宋諸老各行南北元初夔子山諸人不及也 六研齋三筆

王曼慶

王曼慶庭筠子 中州集作萬慶字禧伯 亦能詩并書仕至行省右司郎中自號淡游 金史本傳

萬慶詩筆字畫俱有父風 中州集

王明白

王明白庭筠猶子幼歲學書書家即稱賞之 中州集

張天錫

張天錫字君用號錦溪老人河中人官至機察真字得柳誠懸法草師晉宋亦善大字道陵諸殿宇扁皆其所題有草書韻會行世 書史會要

司馬朴

司馬朴字文季温公之猶子仕宋爲兵部侍郎以奉使見留居於祁陽工書翰有晉人筆意興陵萬機之暇嘗購其遺墨學之

中州集

施宜生

施宜生字明望浦城人官至翰林學士自號三住老人

中州集

汴城東光教寺普賢洞記石碑皇統四年奉議大夫行臺吏部郎中飛騎尉施宜生撰并書後爲金相字步驟東坡

癸辛雜識

蕭永祺

蕭永祺字景純本名蒲烈少好學通契丹大小字廣寧尹耶律固奉詔譯書辟置門下因盡傳其業天德初爲翰林學士承旨尚書左丞

金史本傳

劉汲

劉汲字伯深天德三年進士入翰林爲供奉自號西巖老人有西巖集行世

中州集

劉汲善草書

書史會要

移刺履

元遺山集
作耶律履

移刺履字履道遼東丹王突欲七世孫也博學多藝善屬文廕補爲承奉班祇候國史院書寫世宗方興儒術詔譯經史擢國史院編修官兼筆硯直長明昌元年進尚書右丞謚曰文獻秀峙通悟精曆算書繪事

金史本傳

耶律履素善契丹大小字譯經辭達而理得大定初詔以小字譯唐史成則別以

女直字傳之履在選中獨主其事又以女直字譯漢文選貴胄之秀異就學焉遺

山集

左光慶

左光慶字君錫以蔭補閭門祇候好古讀書喜為詩善篆隸尤工大字世宗行郊禮受尊號及受命寶皆光慶篆凡宮廟榜署經光慶書者人稱其有法遷同知宣徽使改少府監平時喜為善言蓄善藥號善善道人金史本傳

王渥

王渥字仲澤後名仲澤太原人南渡後擢第為太學助教充樞密院經歷官遷右司都事博學無所不通長於談論工尺牘字畫適美有晉人風作詩多有佳句歸

潛志

張穀

張穀字伯英許州臨潁人大定二十八年進士歷河南治中隰州刺史刑部郎中同知河南府事遷河東南路轉運使權行六部尚書安撫使金史本傳

張穀字畫勁古有顏平原風歸潛志

史公奕

史公奕字宏父中州集云字季宏大名人大定二十八年進士工書有能名自號歲寒堂主人正大初為翰林修撰又充益政院官致仕歸潛志

楊邦基

楊邦基字德懋華陰人大定中進士仕至祕書監禮部尚書文筆字畫有前輩風

調中州集

龐鑄

龐鑄字才卿遼東人中州集云號默翁大興人少擢第仕有聲南渡後為翰林待制遷戶部侍郎出

倅東平改京兆路轉運使博學工文造語奇健不凡世多傳之金史本傳

鑄多風流文采字畫亦蘊藉中州集

麻九疇

麻九疇字知幾陶宗儀云初名純易州人七歲能草書作大字有及數尺者一時目為神童

章宗召見大奇之入太學有文名已而隱居不為科舉計趙秉文連章薦之特賜

盧亞榜進士第俄遷應奉翰林文字金史本傳

九疇字畫正書八分皆有功中州集

趙觀

趙觀字維道明昌中進士從事史院閒閒公許其字畫進進不已可到古人中州集

趙滋

趙滋字濟甫號遽然子汴人學書學畫學詩學論文力到便有所得閒閒公書法

為當代第一手濟甫筆勢飛動得公不傳之妙中州集

李解

李解字公渡

歸潛志云號六峰居士

相人少從內翰子端學詩能行書累舉不第

中州集

李解字得法於趙間間

歸潛志

王中立

王中立字湯臣苛嵐人博學強記問無不知少日治易有聲場屋年未四十喪妻不娶亦不就舉獨處一室中如僧如是三四年乃出覺其談吐高闊詩畫超絕若有物附之者問之不言也好作擘窠大字勢若飛動間極愛之晚年易名雲鶴

號擬桐道人

元好問續夷堅志

王仲元

王仲元字清卿家平陰舉進士有聲書名尤重介歐虞間用薦者名應奉翰林文字改陝西東路轉運司鹽鐵判官

楊奐還山遺藁

仲元工書法趙黃山自號錦峰老人

歸潛志

趙可

趙可字獻之高平人貞元二年進士仕至翰林直學士一時詔誥多出其手流輩服其典雅其歌詩樂府尤工號玉峰散人集

金史本傳

趙可工於字畫

歸潛志

趙述

趙述字勉叔可子承安二年登科詩筆字畫皆有父風中州集

李著

李著字彥明真定人高才博學詩文得前人體工於字畫承安二年經義第一人累官彰德府治中中州集

馮壁

馮壁字叔獻中州集云別字天粹真定縣人承安二年經義進士調莒州軍事判官貞祐四年

遷刑部郎中出為歸德治中改同知保靜軍節度使又改同知集慶軍節度使致

仕金史本傳

馮壁字畫楚楚有晉魏間風氣雅為閒閒公所激賞中州集

高憲

高憲字仲舉遼東人黃華之甥幼學於外家故詩筆字畫俱有舅氏之風泰和三年乙科登第為博州防禦判官中州集

劉住兒

劉住兒年十一歲能詩賦誦大小六經所書行草頗有法章宗召至內殿試鳳凰來儀賦魚在藻詩又賦旱詩賜本科出身令肄業太學金史選舉志

史肅

史肅字舜元京兆人作詩精緻有理工於字畫業科舉為進士大安初召為中路

轉運副使超戶部正郎 中州集

冀禹錫

冀禹錫字京父惠州龍山人幼聰敏絕倫年十九擢大興魁入太學有聲弱冠登高第主沈丘簿調考拓二城未帝東遷擢為應奉翰林文字充尚書省都事作詩鍛鍊甚工寫畫亦勁健可喜 歸潛志

楊雲翼

楊雲翼字之美其先贊皇壇山人六代祖忠客平定之樂平遂家焉天資穎悟初學語輒畫地作字日誦數千言正大中為禮部尚書謚文獻 金史本傳

完顏壽

完顏壽本名壽孫世宗賜名字仲實一字子瑜 歸潛志云自號樸軒居士博學有俊才喜為詩工真草書正大初進封密國公 金史本傳

密國公宗室中第一流人也少日學詩於朱巨觀學書於任君謨遂有出藍之譽家藏法書名畫幾與中祕等 中州集

完顏守禧

完顏守禧字慶之密國公壽幼子年少有俊才作詩與字畫亦可喜狀貌白皙風神秀徹如仙人 歸潛志

李經

李經字天英陶宗儀云號無塵道人錦州人作詩極刻苦喜出奇語南渡後以武功命倅其州金史

本傳

李經少有異才字畫亦絕人書史會要

王予可

王予可字南雲河東吉州人南渡後居上蔡遂平郟城之間落魄嗜酒人與之紙

落筆數百言字畫峭勁金史本傳

郝天祐

郝天祐字賢卿陵川人貞祐初隱居魯山作古文歌詩尤玩意書法嘗以為正書

當以篆隸意為本而鍾王書之經也顏坡書之傳也其餘則諸子百家耳故其筆

勢莊重秀勁能作文餘楷草嘗言大字雖大而小小字雖小而大正書須有草意

草書須有正筆其論書如此郝經陵川文集

高德裔

高德裔字曼卿鶴野人擢第累官西京路轉運使封廣陵郡開國伯工於為文字

畫尤有法嘗以樗軒所書比之氣運形似無豪髮少異中州集

明威將軍隴西郡開國伯李磐神道碑高德裔撰并書黃圖雜志

杜師楊

杜師楊武功人能詩尤工書翰中州集

張本

張本字敏之觀津人貞祐元年中詞賦高第立大篆八分正大九年以翰林學士使北見留遂隱為黃冠居燕京長春宮

甘水仙澤註

宋適

宋適無書名題柳公權蘭亭禊詩後序乃至佳

王氏法書苑

張瑞童

張瑞童善草書

書史會要

許復

許復海陵時人佑聖王靈應碑貞元元年許復書

日下舊聞

蕭守中

蕭守中世宗時人長清縣靈巖山寺碑有大定戊戌蕭守中題名

金石文字記

郝史

郝史世宗時人金中岳廟碑郝史書史無書名觀其結構王庭筠輩似不及也党懷英號

石里鐫華

為能書乃止篆額不書知郝書在當時亦自知名碑立於大定中

賈漑

賈漑衛紹王時人金六聘山天開寺懺悔上人墳塔記大安中朝諫議大夫乾文閣大學

士知制誥王虛中撰布衣賈漑書

國門近游錄

龍巖

龍巖佚其姓氏安世鳳云古柏行相傳金人書以龍巖題而開碑立石皆僧號似書人亦僧不可詳矣字出顏魯公峻峭過之全不作蘇米習氣亦行草中特出者墨林快事

譚處端

道士譚處端一名玉號長真子大定間從全真開化真人遊善草隸書書史會要

釋善進

釋善進海陵時人香水寺頭陀大師靈塔實行碑正隆六年中都沙門知心撰善進書盤

山志

釋德普

釋德普號勝靜老人武州人能作詩頗工字畫書史會要

釋玄悟

釋玄悟善草書書史會要

釋義中

釋義中衛紹王時人憫忠寺舍利函記大安十年檢校太師行鴻臚卿聰辨大師沙門善

製門人義中書劉侗帝京景物略

佩文齋書畫譜卷第三十六

C. T. LOO & CO.
41 EAST 57th STREET
NEW YORK, N. Y.

NO. 513

HGT. _____

LENG. _____

